

Metso ea Ho Hloka Phomolo



SABATHA MANTSIBOEA

Bakeng sa boithuto ba beke ena, bala: *Matt. 10:34–39, Luka 12:13–21, Ba-Fil. 2:5–8, Luka 22:14–30, Matt. 23:1–13.*

Temana ea Khopolo: “Hobane moo mōna le khang li leng teng, ke moo ho leng mofere-ferere le mesebetsi eohle e mebe” (*Jakobo 3:16*).

Aspens ke lifate tse ntle haholo, tse fihlelang bolele balimithara tse 15–30. Li phela hantle maemong a batang le moo hlabula ho pholileng. Patsi ea tsona e sebelisoa ho etsa thepa ea ka matlung, 'me hape le ho etsa mollo le pampiri. Tšepe le liphoofole tse ling hangata li fula sefate sena ha se sa le senenyane nakong ea mariha a thata ka ha se na le matsoai a mangata. Sefate sena sa Aspens se hloka letsatsi haholo, 'me se hola nako eohle-le mariha, ho li etsang hore e be mohloli oa lijo ho liphoofole tse ngata tsa mefuta.

Leha ho le joalo, lifate tsena, *Aspens*, li tumile ka hore li na le metso e meholo ho fetisa limela tsohle lefatšeng. Methapo ke eona e monyang lijo fatše le ho etsa sehlopha se ka pharallang ka potlako, ho fihlela sebaka se sehlo. Sefateng ka seng sa *aspen* se ka phela lilemo tse lekhohle le mashome a mahlano, empa liphoofotošana tse ka tlase ho lefatše li ka phela likete tsa lilemo.

Thutong ea beke ena, re batla ho sibolla e meng ea mothapo ea ho hloka phomolo ha rōna. Ho na le lintho tse ngata tse ka re thibelang ho fumana phomolo ea 'nete ho Jesu. Tse ling tsa tsona li totobetse ha tse ling li sa natsehe. Tse ling re ka 'na ra se ke ra li ela hloko, joalo ka ho sefate se sehlo sa aspen bohoho bo ka tlase ho le lefatše ha bo bonoe, re ka 'na ra se ke ra ba hlokolosi ka boitsoaro le liketso tse arolang le mopholosi oa rōna.

**Bala thutoea beke ena ho lokisetsa Sabatha sa la 17 Phupu.*

Jesu o tlisa Karohano

Ke batho ba fokolang haholo ba natefeloang ke khohlano. Re labalabela kutloano le khotso. Re bile re tšoara le lithupelo mabapa le ho etsa khutso le ho rarolla likhohlano likereng le litsing tsa rōna.

Bala Mattheu 10:34–39. Jesu o bolela’ng ha a re ha tlisa khutso empa e le lerumo? See se bolela’ng, haholo ha u sheba hore Jesu ke “khosana ea Khotso” (Esa. 9:6)?

Polelo ea Jesu ho Mattheu 10:34–39 hlalosa se sa lebelloang ka tse la e makatsang. Mopholosi, ea tlleng e le ngoana ea hlokgang thuso ho e-na le ho tla e le morena ea matla ea potapotiloeng ke balebeli, ea neng a ruta lerato ho bahaisane le lira, joale o bolella balateli ba hae hore o tlisitse phapang le khohlano. Barutuo ba hae le ba neng ba mo mametse ba lokela e be ba ile ba makala, joalo ka ha re maketse: *Ho tla joang?*

Mattheu 10:35–39 ruri e bua ka kutlo le botšepahi. Ha a qotsa Mikea 7:6, Jesu o ile a qholotsa bamameli ba hae ho etsa khetho ea bosafeleng. Mora o lokela ho rata leho hlomphe batsoali ba hae. Eo e ne e le se hlokoang ke molao oo Moshe ao amohetseng thabeng. E bile mokhoa oa Molimo oa tšebetso; Ntate le ’m’e ba lokela ho rata le ho hlokomela bana ba bona. Empa, ha lerato le ka fetisa boitlamo ba bona ho Jesu, ho ne ho hlokoa se qeto e thata. Lintho tse tlang pele li tle pele, Jesu oa re hopotsa sekheng sena.

Jesu o bontša khetho ena ka lipolelo tse tharo, polelo ka ’ngoe e sebelisa poleloana *ho lokela*. Ho lokela ha ho ea ipapisa le boitšoaro bo phahameng kapa ho hlola sebe. ho lokela ho ho ipapisitse le likaman

o tsa motho le Jesu. Re loketse ha re mo khetha e le oa pele ho lintho tsohle—ho kenyeletsa le ’m’e, ntate, kapa bana. Re khetha mahlomola a sefapano le ho latela Jesu.

“Ha ke na takatso e khoho ho feta ho bona bacha ba rōna ba tletse ka mora oa bolumeli bo hloekileng bo etsang hore ba nke sefapano le ho latela Jesu. E-eang, bacha bao e leng barutuo ba Krete, ba laoloang ke motheo, ba thabile ka liaparo tsa tlhoeko le ho loka. Mopholosi oa hao u tla u tataisetsa boemong bo lokelang litalenta tsa hao le moo u ka etsang mosebetsi o tsoileng matsoho.”—Ellen G. White, *Testimonies for the Church*, vol. 5, p. 87.

Ka linako tse ling re qobelleha ho jara sefapano e se ka boikhethelo ba rōna, ’me ka linako tse ling ke ka boikhethelo re jarang sefapano. Ka tsela e fe kapa efe, senotlolo sa ho jara sefapano seo ka botšepahi se sefe?

Boikhantšo

Joalo ka tabeng ea sefate sa aspen le methapo ea sona e meholo ka tlasa lefatše, boikhantšo ke karolo ea methapo e meholo e ka tlase e bitsoang “sebe,” e re sitisang ho fumana phomolo ea ’nete ho Jesu. Hara libe tsohle tse maphelong a rōna, boikhantšo bo bonahala bo le bobebe ho iponahatsa, na ha ho joalo? Boholo ba rōna, boikhantšo ke ntho eo e hemang ka tlhaho.

Bala Luka 12:13–21. Hlalosa bothata bo hlhisoang setšoantšong sa Jesu. Na ho etsa meralo ea ka moso, ke boikhantšo le ho se natse ’muso oa Molimo? Ha e ba ho se joalo, joale Jesu o re hlokomelisa khahlanong le eng?

Setšoantšo sena se hlaha fela Evangelizing ea Luka ’me se boleloa e le karabo ka mora potso ho tsoa mothong ea sa boleloang oa phutheho. Ha a botsoa ka taba ea kabo ea mafa, Jesu o arabela ka ho latola tšebetso ea Mokena lipakeng lipakeng tsa bana ba motho. Ha e le hantle, o beha monoana oa hae holima hoo e leng boholo ba bothata, boikhabo. O kenella tlase ho bontša motso o moholo o lutseng ka tlasa liketso tsa motho ka mong.

Nahana ka mekhoha e meng ea boikhantšo bophelong ba hao. Ke joang boikhantšo bo amang likamano tsa rōna le Molimo, le balekane le malapa, le kereke e le lelapa, le bahaisane le basebetsi ’moho? Ke ntlha efe ea mantlha e fumanoang ho Ba-Filipi 2:5–8?

Ka ho shebana feela le tse hlokoang ke eena le litakatso tsa hae, monna oa morui ea sa tsejoeng oa setšoantšo sa Jesu o ile a lebala ho nkela hloohong lintho tse sa bonoeng tsa leholimo. Tse kholo, tse molemo, le ngata na ha se metheo ea boitšoaro ea ’muso oa Molimo na. Paulose o re fa hanyane pono ea se susumelitseng Jesu ha a etsa qeto ea ho nka sebaka sa rōna.

Ba-Filipi 2:5–8 e hlalosa motheo oa ho hloka boikhabo, oa boikokobetsi le lerato. Haeba lerato bakeng sa Molimo le ba bang le sa susumetse liqeto le tse tlang pele ho rōna, re tla tsoela pele ho ikhahela meliko mona le ho beha letlotlo le fokolang leholimong (*Matt. 6:20*).

Hobaneng ho le bobebe ho nkeha ke takatso ea leruo le ipokella matlotlo? Leha bohle re hloka chelete e itseng hore re phele, hobaneng ho bonahala hore ho sa tsotellehe hore na re na le bokae, re ntse re batla e fetang moo?

Taba-tabelo

Ho ithuta beke ea ho qetela ea bosebeletsi ba Jesu lefatšeng pele ho thakhiso ea hae kamehla e ba mohloli oa khothatso le tšusumetso. Hape e fana ka leseli la ka moo ho hloka phomolo le batho ba susumetsoang ke takatso ea ho etsa le ho bua lintho tse sa tsebisahaleng.

Bala Luka 22:14–30 'me u nahane ka maikutlo a Jesu ha a utloa barutuo ba hae ba entse khang nakong ea selallo ka hore na ea moholo ho bona ke mang (*Luka 22:24*). Hobaneng barutuo ba ile ba susumeletsoa tabeng ee le ho shebana le hore na ea moholo ke mang?

Ha se hangata re buisanang ka hore na ke mang ea moholo kerekeng ea rōna, malapeng, kapa moo re sebetsang. Re ka nahana ka eona haholo, empa, ha e le hantle ke mang ea bang sebete ho ka bua ka eona phatlalatsa?

Lena e ne e se lekhetlo la pele potso ena e ileng ea hlaha hara balateli ba Jesu. Mattheu 18:1 e tlaleha ha barutuo ba tliša potso ho Jesu le ho e bopa ka tsela e makatsang: “Ea moholo ’musong oa maholimo ke mang?”. karabo ea Jesu e tla le setšoantšo. Ka mora ho bitsa ngoana, o emisa ngoana bohareng ba sehlopha. Mahlo a bulehileng haholo. Ketso ea Jesu e hloka tlhaloso, ho Mattheu 18:3 morena o fana ka eona: “Ka ’nete ke re ho lōna: Ha le sa fetohe, la ba joalo ka bana, ha le ka le la kena ’musong oa maholimo”).

Pako ke motheo oa ho fumana phomolo ea ’nete ho Jesu. Re hlokomela hore re hloka thuso e tsoang kantle. Hang re hlokomela hore re ka se tlo itšepa empa re hloka ho itšepa Jesu. Re bona phetoho ea litakatso le mekhoa ea rōna. Jesu o bolella barutuo ba hae: *Ntšepeng le be le itšetlehe ho ’na joalo ka ngoana enoa. Boholo ba ’nete ke ho nehelana ka litokelo tsa hao le ho amohela meoloana ea leholimo.*

Ka bomalimabe, ho bonahala e ka barutuo ba ne ba so ka ba ithuta thuto ena nakong eo Jesu a jang selallo sa ho qetela le bona. Lintoa tsa bona le ho ngangisana ka lintho tse se nang molemo ho ile ha senya nako e phethahetseng ea selallo se neng se sa tlo ka se phetoha hape.

Tsohle tsena leka mora lilemo ba na le Jesu, ba sebeletsa le Jesu, le ho utloa le ho ithuta maotong a hao? Mohlala o koatisang o bontšang ka moo pelo tsa batho li bolileng kateng! Hlakoreng le leng le letle, leha ho le joalo, nahana ka boteng ba kamehla ba mohau oa morena, hore ho sa natsoe puisano ena e tlotlollang hara balateli ba hae, Jesu ha a ka ba nyahlatsa.

Hobaneng ho lula re tsepamisitse maikutlo a rōna ho Jesu sefapanong e bang pheko e matla khahlanong le takatso ea ho iphahamisa, e leng seo joalo ka libupuo tse oeleng, bohle re leng mahlatsipa?

Boikaketsi

Moikaketsi ke motho ea etsang e ka, ea batlang ho hlaha e le ntho eo hantle e seng eona. Moikaketsi ke motho ea etsang e ka, ea batlang ho hlaha e le ntho eo hantle e seng eona. Polelo ena e hlaha makhetlo a 'maloa ho Mattheu 23 puisanong eo Jesu a nyatsang bangoli le bafarisi, khubu ea boetapele ba bolumeli ba se-Juda (*Matt. 23:13, 14, 15, 23, 25, 27, 29*). Lievangeli li re bontša Jesu ea fanang ka mohau le tšoarelo ho bafebi balekhetlo, lihloa, le bona babolai, empa o bontšitse kutloelo bohloko e fokolang bakeng sa baikaketsi (*sheba litemana tse ngata ke tsena Matt. 6:2, 5, 16; Matt. 7:5; Matt. 15:7–9; Matt. 22:18*).

Bala Mattheu 23:1–13 le 'me u etse lenane la limelo tse 'ne tse kholo tsa baikaketsi tse boletsoeng ke Jesu.

Jesu o amahanya limelo tse 'ne le bangoli le bafarisi. Nakong ea boJuda lekholong la pele la lilemo a.d., Bafarisi ba ne ba emela bolumeli bo tiisitseng 'mele. Ba ne ba na le thahasello molaong o ngotsoeng le o phetoang, le ho hatella bohloeki ba ho boloka mekete. Ka lehlakoreng le leng ho ne ho e-na le Basaduse, sehlopha sa baetapele le sa batho bao boholo ba ruileng, hangata ba tsamaea le baprista. Ba ne ba tsoetse pele haholo (i.e., ba ne ba bua se-Gerike 'me hae ba ne ba tšere filosofi ea ba-Gerike) 'me ba ne ba sa lumele kahlolong kapa bophelo ka mora lefu. Re ka ba hlalosa e le ba amohelang lintho ha bobebe. Lihlopha ka bobeli li ne li le molato oa baikaketsi.

Ho ea ka Jesu, re baikaketsi ha re sa etse seo re se bolelang, ha re etsa bolumeli hore bo be thata bang ba batho ba bang ntle le ho sebelisa mekhoha e tšoanang malebana le rōna, ha re batla hore ba bang ba ananele bolumeli ba rōna, le ha re batla hlompho le ho ananeloa ho loketseng Ntate ea maholimong.

Ho sa natsoe bohale ba mantsoe a hae le ho toba taba, ho kopa-kopana ha Jesu le bao a neng a ba bitsa baikaketsi e ne e tletse lerato le tsotello, le ho bona baikaketsi bana.

“Kutloelo bohloko ea leholimo e ile tšoaea chebo ea mor'a Molimo ha a talime hang tempele le ba mo mamemtseng. Ka lentsoe le imetsoeng ke pelo e bohloko le ho baba o ile a phatlalatsa, ‘Jerusalema, Jerusalema, oena ea bolaeang baporofeta, le ho tlepetsa ka majoe bohle ba romeloang ho uena, ke ha kae ke leka ho bokella bana ba hao, joalo ka ha khoho e bokella litsuonyana tlasa mapheo a eona, empa o hanne!’”—Ellen G. White, *The Desire of Ages*, p. 620.

Hobaneng ho sa hlokahale le hore u be moetapele oa bolumeli hore u be molato oa baikaketsi boo Jesu ka matla a bo nyatsang moo? Ke joang re ka ithutang ho bona boiketsi boo ho rōna ha bo le teng, 'me ke joang re ka bo felisang?

Ho Ntša ho Hloka Phomolo ka Metso

Bala Johanne 14:1–6. Ka har’a ho hloka phomolo ha rōna, ke eng eo re ka e etsang hore lipelo tsa rōna li se ferekane? Motheo oa ho hlola ho karohano, boikhantšo, takatso, baikaketsi, le ho fumana phomolo ea sebele ke ofe?

Ho hlola ho hloka phomolo kamehla ho qala ka Jesu. Ke eena tsela, le ’nete, le bophelo. O tseba tsela e nepahetseng ha re lelera felleng la lefatše la rōna le tletseng ka marang-rang; ha mofani ea halalelang oa molao e le ’nete e entsoeng motho, ’me moea oa hae o tla re tsa maisa ’neteng eohle (*Johanne 16:13*). Ha re utloa bohloko, re khathetse, re hlohile, re kula, le hona ho nyahama, ke bophelo—e seng bophelonyana fela. Hantle o re tšepitse bophelo ka ho fetisisa (*Johanne 10:10*). Sena se kenyeletsa le lehae la rōna le bophelo bo-sa-feleng, empa hape e kenyeletsa boleng bo fetang ba joale ba bophelo. ’Mopi ruri o khona ho fana ka ho fetisisa le ho se nang Tekanyo, le ha joale.

“Lipelo tsa lōna li se ferekane” ke memo ea ho phela ka tebello. Ha ikutloa re nyotobetse, o khona ho re phahamisetsa boemong bo phahameng. Ha re loana le lefifi le sebe, ke eena ea qaling eo hape a tlang ho qetella mosebetsi oa hae ka ho rōna (*Ba-Filipi 1:6*).

Ho sa tsotellehe hore na lintho li mpefala ha kae mona, (’me ehlile li ka mpefala) sheba litšepiso tseo re li filoeng ho Jesu. O re lokisetsa “boplulo”, bolulo boo bohloko ba rōna, ho hloka phomolo, le mahlomola, li tlang ho felisoa ka ho sa feleng. Ke tšepiso eo re e filoeng ke Krete Jesu, ’me re e filoe bohle, ho sa tsotellehe hore na re bo mang, re tsoa ho kae, ho sa natsoe hore maphelo a rōna a ne a lobokane ho le ho kae nakong e fetileng le joale.

Senotlolo leha ho le joalo, ke hore re tle ho Molimo bofokoling ba rōna, le bohlokong, le ho robheng lipelo, le ho oeng ha rōna ka kakaretso, ho tseba hore oa re amohela ho natsoe lintho tsena. Ke seo mohau o leng sona, ’me ke hobaneng re lokela ho lumela hore re o filoe ha re o batla ka tumelo.

Bala Jeremia 3:22. Molimo o re kopa ho etsa ho etsang eng, ’me joale o tla etsa eng ho araba bakeng sa rōna?

Nahana ka mantsoe a Jesu: “Ke tla boela ke boee, ke le nkele o ’na, hore moo ’na ke leng teng, le lōna le be teng (*John 14:3*). Sena se lokela ho bolella’ng ka moo pallo ea ho khutla labobeli ha Jesu e leng khubu le ho ba bohlokoa kateng? Haholo bakeng sa rōna Baleti (ka kutloisiso ea rōna ea lefu), hobaneng pallo ea ho khutla labobeli e le bohlokoa ha kalo?”

Ho Ithuta Haholoanyane: “Ha ho ka ke ha ba le kholo kapa botšepahi bophelong ba bo ’na. Ha u amohetse Kreste e le morena le Mopholosi, u lokela ho itebala, ’me u leke ho thusa ba bang. Bua ka lerato le Krste, bolela ka molemo oa hae. Etsa mosebetsi ohle o hlahang. E ba le moroalo oa meea pelong ea hao, ’me ka mekhoha eohle e matleng a hao leka ho pholosa ba lahlehileng. Ha u amohela moea oa Kreste—moea o se nang lerato la boikhabo le ho sebeletsa ba bang—u tla hola le ho hlahisa litholoana. Mehau ea Moea e tla butsoa semelong sa hao. Tumelo ea hao e tla hola, khohiseho ea hao e tebe, lerato la hao le phethehe. Hanyane ka hanyane o tla bonahatsa semelo sa Kreste ho tsohle tse hloekileng, tse ntle, le tse ratehang.”—Ellen G. White, *Christ’s Object Thutos*, pp. 67, 68.

Ha u sebetsa ng le litaba tse lipakeng tsa litho tsa kereke, “puisano e nkileng lihora tse ngata e lipakeng tsa litho tse amehang, ’me ha se fela hore nako ea bona e sentsoe, empa bahlanka ba Molimo ba tsoareletsoe ho ba mamela, ha lipelo tsa bona ka bobeli li sa tlala ka mohau. Ha boikhohomoso le boikhantšo li ne li ka behelloa kathōko, metsotso e mahlano e ne e ka tlosa boholo ba bothata.”—Ellen G. White, *Early Writings*, p. 119.

Lipotso tsa Puisano:

- ① Ka sehlopheng, nahana ka mekhoha e ka etsoang ea ho hlola boikhantšo. Ke joang le ka thusang ho nka boikarabello e le hore mekhoha ee e be e phelehang?
- ② Litaba-tabelo ha se lefutso le lebe. Empa, ke joang re ka lebellang le ho nahana lintho tse kholo ho tsoa ho Molimo re sa oeleng lerabeng la ho metsoa ke takatso?
- ③ Boholo ba rōna ha re bontša taba-tabelo, baikaketsi, boikhantšo, kapa mona kantle. Re khona ho fana ka tšobotsi e ntle kantle. Joalo ka mothapo e mehola ea sefate sa aspen, leha ho le joalo, limelo tsena tsohle tse mpe li ipatile ka hare. Semelo se tsamaisoang le ho fetoloa ke Moea se shebahala joang bophelong? Ke joang re ka hlollang motso oa ho hloka phomolo le ho fumana phomolo ea ’nete ho Jesu?
- ④ Lula karabong ea hao ea Labone potsong ea ho qetela ka bohlokoa ho khutla labobeli ha Jesu. Ka ntle ho eona, ke tšepo efe eo re nang le eona? Ntle le eona, ke molemo ofe oo ho tla la pele ha Kreste ho ka beng ho re etselitse hona, ho tseba hore ba shoeleng ba robetse ho fihlela tsoho, e tlang ho etsahala hang ha Kreste a khutla?